

Dominus noster Jesus Christus te absolvat: & ego autoritate ipsius te absolvo ab omni vinculo excommunicationis (suspensionis) & interdicti, in quantum possum & tu indiges. Deinde ego te absolvo à peccatis tuis in nomine † Patris, & Filii & Spiritûs sancti. Amen.

Si pœnitens sit Laicus, omittitur verbum Suspensionis.

Passio Domini nostri Jesu Christi, merita B. Mariæ Virg. & omnium Sanctorum, quidquid boni feceris & mali sustinueris, sint tibi in remissionem peccatorum, augmentum gratiæ & præmium vitæ æternæ. Amen.

Urgente necessitate & mortis periculo sufficit dicere:

Ego te absolvo ab omnibus censuris & peccatis, in nomine Patris † & Filii & Spiritûs sancti. Amen.

ABSOLUTIO AB EXCOMMUNICATIONE IN FORO EXTERIORI IN FORMA ECCLESIAE CONSUETA.

Sacerdos sedens pœnitentem coram se genuflexum in humero (si vir fuerit) usque ad camisiam denudato virga aut funiculis percutit dicendo Psal. Miserere, cum Gloria Patri &c.

Dein surgens aperto capite dicit:

Kyrie eleison, Christe eleison, Kyrie eleison. Pater noster &c.

℣. Et ne nos inducas in tentationem.

℞. Sed libera nos à malo.

B

℣. Sal-

- V. Salvum fac servum tuum Domine.
 R. Deus meus sperantem in te.
 V. Nihil proficiat inimicus in eo.
 R. Et filius iniquitatis non apponat nocere ei.
 V. Eito ei Domine turris fortitudinis
 R. A facie inimici.
 V. Domine exaudi orationem meam.
 R. Et clamor meus ad te veniat.
 V. Dominus vobiscum.
 R. Et cum spiritu tuo.

O r e m u s.

Deus, cui proprium est misereri semper & parcere; suscipe deprecationem nostram, ut hunc famulum tuum, quem excommunicationis sententia constrangit, miseratione tuæ pietatis clementer absolvat. Per Christum.

R. Amen.

Mox sedet & cooperto capite dicit:

Dominus Jesus Christus te absolvat, & ego autoritate ipsius & Sanctissimi Domini nostri Papæ (vel) Reverendissimi Episcopi N. (vel talis Superioris) mihi concessa, absolvo te à vinculo excommunicationis, in quam incurristi (vel incurrisse declaratus es) propter tale factum vel causam &c. Et restituo te communioni & unitati fidelium & Ss. Sacramentis Ecclesiæ. In nomine Patris † & Filii & Spiritus sancti. Amen.

Nulla forma præscripta pro rei gravitate prædictam ceremoniam & preces adhibeat; at verò si res non fuerit adeò gravis, absolvere poterit dicens:

Domi-

Dominus noster JESUS Christus te absolvar,
& ego autoritate ipsius & Ss. D. N. Papæ (vel
Reverendissimi Episcopi N. vel talis Superioris)
mihi concessa absolvo te &c.

*In foro interiore absolvat pœnitentem in forma
absolutionis sacramentalis. Excommunicatum
mortuum absolvens post verberationem cadaveris
aut sepulchri, dicit:*

Exultabunt ossa humiliata. *Psal.* Miserere &c.
Quo dicto absolvatur hoc modò:

Autoritate mihi concessâ, ego te absolvo
à vinculo excommunicationis, quam incurristi
(vel incurrisse declaratus es) propter tale factum
& restituo te communioni fidelium. In nomine
Patris † &c.

Dein dicitur Psal. De profundis.

Ÿ. Requiem æternam. R. Et lux.

Kyrie eleison, Christe eleison. Kyrie elei-
son. Pater noster.

Ÿ. Et ne nos inducas in tentationem.

R. Sed libera nos à malo.

Ÿ. A portâ Inferi.

R. Erue Domine animam ejus.

Ÿ. Requiescat in Pace. R. Amen.

Ÿ. Domine exaudi orationem meam.

R. Et clamor meus ad te veniat.

Ÿ. Dominus vobiscum.

R. Et cum Spiritu tuo.

O r e m u s.

Da, quæsumus Domine, animæ famuli tui,
quem excommunicationis sententiâ con-
strinxerat, refrigerii sedem, quietis beatitudi-

nem & superni luminis charitatem. Per Christum Dominum nostrum. Amen:

MODUS ABSOLVENDI à SUSPENSIONE
VEL INTERDICTO INTRA VEL EX-
TRA CONFESSIONEM.

Sacerdos datâ facultate & nullis præscriptis
verbis procedit modo sequente:

Pœnitens dicat : Confiteor &c.

Sacerdos : Misereatur &c. Indulgentiam &c.

Authoritate mihi à (N.) tradita, ego absolvo te à vinculo suspensionis (vel interdicti) quam (vel quod) propter tale factum (vel causam) incurristi (vel incurrisse declaratus es.) In nomine Patris † &c.

Si Confessario data est potestas dispensandi super irregularitate intra, vel extra Confessionem sacramentalem, tunc post absolutionem à peccatis addit:

Et eadem Auctoritate dispenseo tecum super irregularitate (vel irregularitatibus) in quam (quas) ob talem causam (causas eas exprimendo) incurristi; & habilem reddo, & restituo te executioni Ordinum & Officiorum tuorum. In nomine Patris † &c.

Si nullum habet Ordinem, dicit:

Habilem te reddo ad omnes Ordines suscipiendos: vel etiam ad alia juxta tenorem mandati.

Quod si titulus Beneficii restituendus & fructus malè percepti condonandi, subjungit: Et restituo tibi titulum (vel titulos) Beneficii (Beneficiorum) & condono tibi fructus malè perceptos. In nomine Patris † &c.